

黃崑圃先生年譜

顧鎮編

中華書局

叢書集成初編

閻潛邱先生年譜（及其他一種）二冊

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

黃崑圃先生年譜

此據畿輔叢書本
排印初編各叢書
僅有此本

右閣濟邱先生年譜四卷。國朝張程撰。按程什履。已見顧譜。卓無卷數。亦釐爲四卷。重刻焉。濟邱先生爲一代通儒。惟顧亭林足與雁行。百餘年來論學術者。無不極力推崇。而石州亦搜羅殆遍。與顧譜同。惟全謝山獨有微詞。譏爲陋儒。原涉太過。至曰未能洗去學究氣。則石州亦謂深中先生之病。或者疑焉。卽如胡朏明獻書行在。聖祖書着年篤學四字。賜之。石州謂先生垂老。諄諄以求御書爲言。蓋有感於朏明之事。御書誠可寶。得之原稽古之至榮。然亦何至若與朏明角勝者。且屢爲其子言之也。又先生殆兼工制藝。茶餘客話。稱何義門。撰行遠集。悉如先生之旨。曰。如此方見制藝之難。又稱先生嘗語義門曰。有虞氏刑官曰士。故舜典曰。汝作士。呂刑。士制百姓於刑之中。夏曰大理。周曰大司寇。若士師特司寇之屬。下大夫耳。周之士師。容或可稱爲士。而有虞氏之士。斷不可稱爲士師。奈何楊一清。王鏊。薛應旂。茅坤。邵圭潔。趙南星。李光縉。沈濱。許儼。徐曰久。顧錫疇。艾南英。黃淳耀。姚應章。文。盡稱爲士師耶。其謹嚴如此。亦迥異乎三家村中之學究矣。又詩非先生所長。而山西通志稱其尤嗜吟詩。類張籍王建古樂府。石州謂此皮傅之論。未足爲先生榮。然嘗賦絕句云。簾紋如水曉驚秋。推枕尋釵搭臂鞦。郎困宿醒猶未起。一簾微雨石梳頭。亦非尋常學究可辦。噫。陶靖節閒情偶賦。原非白璧微瑕。偶及之。亦以見賢者之不可測耳。咸豐癸丑重陽後二日。南海伍崇曜謹跋。

黃崑圃先生年譜卷上

門下士顧鎮編次

康熙十一年壬子秋九月戊寅公生於中西坊。

公諱叔琳字崑圃順天府大興縣人父諱華蕃字潤采以明經任大城教諭系出新安程氏年數歲失父母母舅無爲州州同黃公諱爾悟無子因撫爲己子遂姓黃氏母吳太夫人錢塘國學生諱麟龍章公女誕公之辰公生曾祖母于安人夢老儒囊筆入室索水類面驚覺而公生同父五人公其長也。

康熙十二年癸丑公二歲。

康熙十三年甲寅公三歲。

康熙十四年乙卯公四歲。

康熙十五年丙辰公五歲。

夏四月就塾。

時無爲公解組歸里以公穎異鍾愛之口授四子書皆能成誦爲錦函五以貯所識字旬日貯函已滿王父色喜題之曰五車書是年教諭公以明經應廷試高等歸部銓選。

康熙十六年丁巳。公六歲。

隨父之曲陽任。未幾歸里。

教諭公除正定府曲陽縣訓導。公隨吳太夫人赴任所。一日立門外。見有諸生來謁。適教諭公他往。肅之入。詢所自來。知其遠也。請於太夫人爲設食。蓋公性喜延士類。於泮齡已見其端矣。已而無爲。公念公甚。趣之歸。親爲訓課。命側室余撫之。

康熙十七年戊午。公七歲。

讀易詩二經。

康熙十八年己未。公八歲。

讀尙書。

康熙十九年庚申。公九歲。

讀左傳。

無爲公素熟三傳。著有左傳彙紀。公毅合纂等書。至是爲口講指畫。公悉領受。

康熙二十年辛酉。公十歲。

復之曲陽。始學應舉文字。

康熙二十一年壬戌。公十一歲。

讀禮記與曲陽諸生爲文字會。

同官孫君某主課。題爲故事半古之人二句。公援筆立就。中有云。以事而論。則古人倍於我。以功而論。則古人半於我。孫君爲之嘆絕。決爲非常器。時教諭公於學舍隙地。構養素軒三楹。爲諸生閱字之地。公嘗竊聽講論。私取有明大家制義讀之。盡棄時俗所尚之文。

康熙二十二年癸亥。公十二歲。

夏六月。入順天府學。

正月。自曲陽歸。感寒疾。兩月始瘳。四月應府試。少京兆張公鵬闕。至次藝麒麟。之於走獸篇。有云。麟之生也。當爲王者之祥麟之獲也。遂絕春秋之筆。嘆爲命世才。六月。督學平原董公訥取入郡庠。康熙二十三年甲子。公十三歲。

始應鄉試。

康熙二十四年乙丑。公十四歲。

從學廖樾阡先生。

先生諱鳳徵。江南松江府華亭縣人。康熙癸酉。北闈南元。先是公從上海陸錫傳先生同學。陸以憂歸。乃游先生門。先生傾心啟迪。靡間寒暑。是年無爲公卜居靈鍾坊。俗名李鐵鍋斜街是也。遷居前一日。公夢伯祖中丞公授以小鉞。指故宅接遠樓。匾額屬令易之。冬。教諭公轉大城縣學教諭。

康熙二十五年丙寅，公十五歲。

歲試，補廩膳生。

學使李愚菴先生諱應薦，得公卷，擊節嘉嘆。有山川間氣，產斯英物之賞。遂以第三人食餼。是年少京兆王公維珍季考長蘆鹺使任，公珮觀風皆第一。

康熙二十六年丁卯，公十六歲。

始究心理學。

時受業崇陽饒仲如先生，究心儒先名理，學以大進。

聘馮夫人。

雁門馮懿生先生諱雲驪，官禮科給事中，造門索文閱之，嘆曰：骨重神寒，清廟器。其黃生之謂歟。遂以次女字焉。

康熙二十七年戊辰，公十七歲。

從學孝感蕭端士先生。

饒先生南歸，乃從先生游，益淬勵讀書。

康熙二十八年己巳，公十八歲。

歲試第二名，與同志爲文會。

陳子淵儀王天如某、張霞舉某、張庚先某、張爾裕某、共爲文會，譁貫切劘，晨夕無間。是年少京兆汪公晉徵季考第一，後每試輒第一，因延至邸寓，令其子訂交焉。

康熙二十九年庚午，公十九歲。

鄉試中式，始究心經世之學。

中式四十四名，主考爲侍讀學士王公棧，江南太倉人。康熙庚戌進士，編修魏公希徵，山東鄆城人。康熙丙辰進士，同考贊皇縣知縣史公長昆，山東樂陵人。康熙丙辰進士，是年青浦王令詒原，嘉善魏禹平坤，海寧查德尹嗣琛，長洲汪文升士鉉，宛平王崑繩原，皆來訂交。同執經吳述菴先生，以聖賢經世之學相砥礪焉。

冬月，馮夫人來歸。

時年十八。

康熙三十年辛未，公二十歲。

會試中式。

中式第十八名，總裁爲京江相國張公玉書，澤州相國陳公廷敬，新城司寇王公士禎，安溪相國李公光地，同考涇陽劉公濬，康熙乙丑進士，殿試及第，授翰林院編修，習國書。公卷本列進呈之末，聖祖親閱，拔置一甲第三名。

康熙三十一年壬申，公二十一歲。

夏五月壬子，馮夫人卒。

夫人性婉態，克勤婦職，構弱疾，纏綿一載，卒殯於北下莊羅氏丙舍。是秋教諭公致仕旋里。

康熙三十二年癸酉，公二十二歲。

秋八月，繼娶武夫人。

武昌太守周南公諱廷适女，原籍山西，徙居天津，時年十九歲。

康熙三十三年甲戌，公二十三歲。

充會試同考官。

分校禮記房，得黃彥標、陳豫朋、徐振、毛殿颺、曹彥斌、牟恆、法海、海寶、張丙厚、袁宸輔、楊琛、王家驥十人。與袁靜公民部聯席校閱，悉力搜拔，不敢稍事苟且。薦卷中尤愛廬江李灃、仁和朱良佐、新城何世璠。

留庶常館，再習國書。

出闈後，病目甚，值散館，作字不能成點畫，僅成別館春寒淑氣催五言排律一首，閱卷置後。奉旨，再留教習三年。

康熙三十四年乙亥，公二十四歲。

在庶常館肄業。

是年桐城諸生方靈臬來謁，靈臬名苞，公一見莫逆，遂訂交焉。薦以涿鹿滕氏館，每來都，輒信宿別去。

康熙三十五年丙子，公二十五歲。

秋九月丙辰，祖母李太夫人卒。

夫人爲天啟乙丑進士參政應選公女，時年六十七歲，無爲公側室，余亦以是年七月卒。公念撫育之恩，慟悼不已，雖老年憶及，猶淚落潑下也。

康熙三十六年丁丑，公二十六歲。

秋七月散館。

時聖祖親征朔漠，五月回鑾，至是始散館，公名列第一，未幾充方略館纂修官，覃恩封贈二代。

康熙三十七年戊寅，公二十七歲。

與修一統志及淵鑑類函等書。

辰入西出，無間寒暑，珥筆編摩，爲諸老所倚藉。

康熙三十八年己卯，公二十八歲。

與衛旣齊先生講四子書。

先生山西猗氏人。康熙丁未進士。以黔撫落職。留京師。公時相過從。聽講四子書。及宋儒性理。往復討論。殆無虛日。是年公第五弟叔璈。中順天鄉試。

康熙三十九年庚辰。公二十九歲。

夏五月。召試暢春苑。稱旨。賜御書一幅。

冬十月癸亥。武夫人卒。

公列館職十年。交游日廣。食指益繁。每苦用不給。夫人脫簪搜篋。黽勉有無。無幾微介顏色。及疾革。語公曰。事業君自不可量。顧我福薄。不及見耳。遂卒。年二十六。逾月。殯於翠微山祖塋之旁。

十有二月丁卯。無爲公卒。

無爲公疾。公隨教諭。公視湯藥。惟謹。衣不解帶。日不交睫者。十數晝夜。無爲公嘆曰。可謂孝矣。

康熙四十年辛巳。公三十歲。

春二月。殯無爲公於北下莊丙舍。

康熙四十一年壬午。公三十一歲。

是秋。公第二弟叔琬。中順天鄉試。

康熙四十二年癸未。公三十二歲。

秋九月。晉國子監司業。

康熙四十三年甲申，公三十三歲。

考錄國子監八旗教習。

錄吳遵奠等四十八人，絕去瞻徇，士論翕然。

冬十有一月，晉翰林院侍講。

十有二月，繼娶武夫人。

前武夫人從妹，時年二十，父諱廷豫，候選主事。

康熙四十四年乙酉，公三十四歲。

春正月，侍教諭公行鄉飲禮。

教諭公舉鄉飲大賓，公偕諸弟奉杖履以從，扶掖贊相，禮成而歸。

秋七月，轉陞侍讀。

是秋九月，公第三弟叔琪，中順天鄉試。

冬十月壬子，公父教諭公卒。

年六十有一，公拊膺擗踊，水漿不入口者數日，家人苦勸，乃勉進饘粥。

康熙四十五年丙戌，公三十五歲。

冬十月，行小祥禮，賓教諭公於北下莊丙舍。

十有二月立本生祖父母木主於里第西偏。

本生祖諱伯起字瑞芝順治初嘗攝陝西鄜縣篆罷職居京師本生祖妣柳孺人公爲別置一室奉木主於內俾子孫世饋食焉。

康熙四十六年丁亥公三十六歲。

冬十月行大祥禮。

康熙四十七年戊子公三十七歲。

春三月服除行祔廟禮。

夏四月補侍講。

先是一侍講缺出應颺公有撰之者或謂公當請於掌院公不答至是始得補焉。

冬十有二月奉命提督山東學政。

康熙四十八年己丑公三十八歲。

春正月頒布學政條約。

一敦敍人倫二崇尚經術三淹貫史傳四精熟性理五服行小學六取法先正七會禮師儒八砥礪廉節九清完通賦十講習武備復頒發論文規條其略謂制義以入股爲定格虛實相生反正迭用開闔起止各各立意立矣乃以氣運之自首訖尾股法雖分氣則一貫加以擗詞布采有典有則。

乃可言文。壬辰以前，猶遵古法。酉戌之際，漸趨油滑。丙辰以後，變爲長股。股中又無復精意於昇八股之意。盡失。夫射者志於殼率，大匠必以規矩。吾未見有循規改錯，而可以成器制用者也。

三月，公弟叔琬、叔璫會試中式。

夏四月丙寅，子登賢生。

武夫人出。

五月，按試登州。復孝子王恩榮頂帶。

王恩榮某縣人，父爲尹奇強所殺。恩榮方九歲，母劉攜之控縣。奇強因緣幸脫，僅追給葬埋銀十兩。其祖母自縊，母劉悲憤死。恩榮號泣欲報讎，恐身死嗣絕，無以奉父祀，需至子生，乃臨讎擊之，弗死。仍逸去，控於官。縣令憐而貰之。至是，公按試登州，恩榮赴試，遇讎於戚家坊，直前扼其吭，擊其腦，復碎其下體，斃焉。趨縣詣獄。公聞之，曰：奇男子也。求忠臣必於孝子之門。吾方銜命擇士，可遺苦人乎？乃檄縣俾出獄就試。曰：讞法聽之有司，試無妨也。時臬司李公、中丞蔣公，感公意釋之，俾爲諸生。如故。萊陽胥役恣甚，士夫有不忍其凌轢，遠避他鄉者。公嚴檄下萊陽，風始戢。他郡邑聞之，皆斂衽不敢違。公之扶植士氣類如此。

六月，按試泰安，重建三賢祠。

岱宗之麓，有三賢祠，祀宋安定胡先生、泰山孫先生、徂徠石先生。年久頽廢，葺薦闕焉。公割俸屬州

牧徐君理之興復如舊。

秋七月興白雲書院。

會城舊設書院日久廢弛公銳志振興延師儒選材備俾肄業其中時撫藩以下皆捐俸以資膏火公爲經久遠計嚴課程厚廩餼一時人士鼓舞奮興如張君淳李君元璣徐君士林李君慎修喬君世臣李君元直焦君祈年盧君見曾鄒君麗中張君元宋君來會皆公所造就也。

八月改鴻臚寺少卿仍留學政任。

康熙四十九年庚寅公三十九歲。

春三月按試東昌。

臨清牧誣揭武生李克信諸生蓄忿喜事者乘機煽惑希圖協制及按試屢保無一人至者公檄該府嚴查李克信是否主唆抑係該州捏詳仍另示期考試士氣翕然臨邑縣詳揭抗糧生員于宗魯八人公批限十日全完諸生遵卽赴納吏胥以刁索不遂勒不報完該縣仍請褫革公廉得其實白諸撫軍士賴瓦全。

秋九月泰安三賢祠落成。

公肅儀展謁爲立碑記其事系以歌詩。

刻漁洋詩話。

新城司寇撰詩話三卷藏於家公爲序而梓焉。

康熙五十年辛卯公四十歲

春正月修復松林書院

青州郡城向有書院祀宋十三賢時諸生聞風興起遠近翕集白雪書院至不能容因修復此院牀榻几席及諸生膏火皆公捐俸所備課規悉如白雪所成就者亦相埒如丁君士儻陳君有蓄馬君長淑辛君有光李君志遠劉君軼政秦君紘林君仲懿王君瀛孫君果董君思恭皆其選也。

冬十有一月學政期滿

公持簡三載公以御物明以論文每試畢令諸生前而諭以某卷某意佳某處勝某卷某字疵某句累不必開卷而指示瞭如遵安溪先生之教童子有能成誦五經者爲青其衿至是而泮宮內習五經者幾十之二諸生悅服走顧中丞請留中丞具疏上聞以代者有人不果諸生乃製長生祿位奉安松林書院十三賢之列宮贊趙執信碑記其事。